



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-60-26/24
Datum: 28.10.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga održavanja elektro-energetske opreme**, objavljen na web Portalu javnih nabavki Bosne i Hercegovine, Obavještenje o nabavci, broj 1110-7-2-76-3-110/24 od 7.10.2024. godine, a koji je proveden postupkom konkurentskog zahtjeva za dostavljanje ponuda, je **ENERGOINVEST - SUE d.d. Sarajevo**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke usluga održavanja elektro-energetske opreme je konstatovala da su do roka za prijem ponuda, dana 23.10.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle dvije (2) ponude i to ponuđača: ENERGOINVEST-SUE-a d.d. Sarajevo i ABC SOLUTIONS d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-60/24 od 24.10.2024. godine, u kojem su detaljno obrazloženi razlozi za izbor najpovoljnijeg ponuđača.

U skladu sa navedenim zapisnički je utvrđeno da je ponuda ponuđača ABC SOLUTIONS d.o.o. Banjaluka nepravilna, jer ovaj ponuđač nije u skladu sa zahtjevima iz Tenderske dokumentacije, odnosno Izmjenama Tenderske dokumentacije, broj 15-03-16-5-60-15/24 od 16.10.2024. godine, dostavio odgovarajući obrazac Aneksa 3 – Obrazac za cijenu ponude, odnosno svoju cijenu ponude u skladu da napomenama iz predmetnog aneksa



Tenderske dokumentacije. Navedenim anekosm je predviđeno da ako zbir ponuđenih cijena za materijal i usluge bude prelazio bilo koji od predviđenih iznosa za iste ponuda ponuđača se odbija, zbog čega je odbijena ponuda ovog ponuđača.

Komisija je dalje utvrdila da ponuda ponuđača ENERGOINVEST-SUE-a d.d. Sarajevo ispunjava sve zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da je kvalifikovana i prihvatljiva u pogledu dokaza koje dostavljaju ponuđači, a dokumenti su dostavljeni na propisani način kako je to definisano Tenderskom dokumentacijom.

Analizom ponuda, u postupku sa kriterijumom najniža cijena, Komisija je utvrdila da je najpovoljnija ponuda ponuđača „ENERGOINVEST-SUE-a d.d. Sarajevo sa ukupnom cijenom ponude u iznosu od **30.730,00 KM bez PDV-a, odnosno od 35.954,10 KM sa PDV-om**. S obzirom da navedena ponuda u ekonomskom i tehničkom smislu zadovoljava zahtjeve Agencije data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet (5) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

Digitalno potpisano / digitally signed